

豊臣秀吉譜

0 1 2 3 4 5 6 7 8 9 10

タイトル番号：0061

書名：豊臣秀吉譜

1冊

1108



不詳其父

木下藤吉

又号羽柴筑前守

秀吉

後自改姓始称豊臣

関白従一位太政大臣

慶長三年八月十八日薨

秀長

羨濃守

大和大納言

女子

武藏守三位法中一路妻

関白秀次母一路初名、松助尾州海部郡人也

秀次弟曰小吉号、岐阜少将

女子

南明院殿

秀吉

秀俊

大和中納言  
實三位法印子

女子

森養作字妻

女子

毛利申斐字妻

秀次

關白内大臣  
初為三好山城守養子故号  
三好孫七郎  
實三位法印子  
秀吉養子

秀秋

金吾  
後号  
實木下肥後守家定子  
家定者秀吉公妻之兄也  
秀吉養子

棄

幼卒去

秀頼

右大臣從二位  
元和元年五月亡

豐臣秀吉譜上

秀吉

不知其所生或曰尾張國愛智郡中村鄉筭阿弥子其  
母夢日輪入懷中而生之故名曰吉

幼而穎悟稍長個儻不常父母欲為禪僧使往同國光  
明寺而為弟子時八歲不學禪法唯好武勇其心謂僧

者是乞人之徒也吾豈為之哉於是恣恣其心檀其行寺  
僧厭之曰此兒為寺中之障礙必矣不如逐之即還之

於其父曰吉怒罵曰吾必格殺汝等焚燒此寺而已寺  
僧聞其豪言而驚恐乃界單綵珍簪以還焉

父母貧且賤故曰吉或耕田耘草或撈撻泥鱗以餬其  
口

秀吉  
中村木下阿弥子

ノ子

此門秀吉ノ子

生ミテ死ス後子孫

阿弥子モ入夫レテ

秀長宗ノ子

生

十六歲赴遠江仕松平加兵衛尉之綱二日之綱問曰尾張國所用之甲冑者何哉對曰有朋先者其製異於桶皮筒也於右脇結之屈伸自由也尾張國所用者是也之綱曰汝往買此兵器來矣乃授金五六兩日吉以為縱以此金欺之綱不如為大丈夫先于良主乃往遇叔父而議斯事叔父可之曰信長者今時之良君也汝往事之於是製其衣服飾其刀劍自号木下藤吉郎秀吉或曰秀吉慕朝比各義秀有勇名顛倒其名而号秀吉義吉訓同

永祿元年九月朔日織田信長為龍木之樂而歸秀吉長跪於路傍訴曰某父仕織田大和守久矣而家單窶其亦屢受奴隸之耻故不能足蹈君門唯願仰君之資蔭焉耳信長聞而笑曰汝顏似猿其心輕捷也耶遂使

奉仕信長初呼曰小篁以其謂為篁阿弥子也信長嘗欲攻尾州大山城味莢出軍有乘馬意气揚々者信長問曰何人哉荅曰木下藤吉郎秀吉也其後信長平明為放鷹出干野邊言曰何人相從乎秀吉對曰藤吉郎在斯信長嘉之曰可也努力焉自此而後秀吉受信長之恩顧漸盛矣

或時清洲城壁崩可百間信長命諸士急修補之而事停滯至二十餘日秀吉曰方今東有今川義元武田信玄北有朝倉義景齋藤龍興西有佐々木承禎淺井備前守長政是固危急存亡之秋也而今城壁之崩不急修之嗚呼殆哉非招禍乎信長聞曰吁尔猿也何言哉秀吉不肯輒言信長挽秀吉之手而厲之於是秀吉審

言其情信長大感之曰汝監此事急修城壁矣秀吉往宿老宅曰城壁修築之事依監吏之停滯而未成故命余以是敢請使監吏敬從事宿老舍曰卿其命之因是秀吉聚役吏而相謀分百間為十隊而修之故明白事成矣時信長放鷹而歸見之大喜加賜秩祿秀吉曰信長曰清洲城水乏唯築城于小牧山而可也耶信長嘗雖欲之而勞諸人之費故不及此今聞秀吉之言叱曰不受命而直言且不顧方人之勞其罪當死然今宥之耳凡秀吉犯顏而言者屢矣信長常彈斥之故見者聞者咸非笑之曰彼面皮之厚匪翅十重鐵甲也然秀吉終不慙之唯欲容忠於信長也柴田修理亮勝家丹羽五郎左衛門長秀者信長股肱

之臣也秀吉慕之摘其姓之一字而改姓羽柴同六年夏信長獵于河邊為諷武也分兵為二為戰爭之粧信長戲以秀吉為一方之將磬控縱送不學而少信長奇之

同年之秋信長到西菟濃燒村里其夜軍次洲俣時福甯平左衛門失其金龍之笄疑其盜之者諸人皆指秀吉不々怒曰吾貧故受辱如此然今非可死之地不如以謀捕盜之者而洗冤誣也即到津嶋召富人而談之曰有質物則可使覓之若然則賞之以黃金十兩乃寄宿於富人堀田孫右衛門宅以待焉既而盜者果來以彼笄為質請借五貫文之青銅秀吉聞之乃馳至捕之秀吉大悅請于牛頭天王之寶前而率盜者歸信長之

陣時信長將歸見秀吉執盜怪問之秀吉詳告之故信長憐之感之賜黃金且與百貫之祿

信長嘗問炭薪一年之費監者曰千石有餘也信長命村井長門守改監者而村井之所奉皆不稱信長之意召秀吉曰汝試監薪炭之事於是秀吉自對竈燒火且校勘燼火檢一月之費而察一年之用則嚮千石有餘三分之一而足秀吉謂頃年千石有餘者皆無用之費也秀吉言於信長々々感之秀吉曰仄聞他邦之君長於山則有炭薪之貢於海則有雜錯之貢今君之國中處處多山且村里大木滋生之處亦有之使一村貢一木則亦甚容易而已信長喜曰唯汝圖之莫使百姓甚勞也其後謂秀吉曰使汝監薪炭則固非其任如良驥

附塩車耳

信長出軍於羨濃時有一旗不慣見者問曰誰旗欵曰木下藤吉秀吉旗也信長大怒曰是誰使擁此旗乎遂折其旗而弃之然秀吉不恨之以勤軍事

同九年信長謂家臣曰吾屢雖侵掠羨濃而敵人猶未畏服我構砦於川畔運奇計以欲平謐羨濃卿曹謂何衆皆然之信長曰當以誰人為之主乎衆皆杜口召秀吉而問之秀吉曰這邊有土豪又以偷竊穿窬為業者多矣而精兵亦或在其中於篠木柏井科野秦川小幡守山根上等選聚之分定其隊伍以置彼砦則無乃可乎信長可之於是秀吉記其姓名殆千二百餘人其拔類者則蜂須賀小六同又十郎稻田太炊助青山新七

同小助河中久助長江半途加治田隼人田北野木太夫松原内匠等是皆可以為隊長者也凡騎步漸可五六千人分之為二而可也若無其將則秀吉將之而已信長許之

七月信長命監吏聚集材木九月材木既集因是乘林木於舟楫自北方渡而到川際積之既欲構砦時自井口出八千餘兵以防之信長見之令曰敵多兵也以弓鳥銃可能防之如今時則縱雖不殺戮敵兵而唯以城砦修築之速成為要耳故防者不弄弓矢築者常把耒耜逾數日城砦既成以秀吉使為之主出制禁數條以示兵士其後敵先出奇兵以欲挑秀吉之兵而擊之稻田木炊助見之曰敵兵之為休也其有心乎慎勿出高

兵秀吉然之故敵兵退因稻田木炊助蜂須賀小太加治田隼人等相議曰今夜將襲敵召所與賂之敵而問敵之事乃交評談秀吉等皆出砦以窺敵陣以蜂須賀賀治田為小將以稻田為弓鳥銃之將潛入殺敵得首十三級而歸秀吉遣書於福富平左衛門林井所之助而使達事於信長下々大喜賞秀吉及稻田蜂須賀賀治田等各有所差

木澤次郎左衛門者羨濃宇留馬城主也秀吉以謀使屬信長秀吉携大澤到清洲使謁信長其夜信長召秀吉曰大澤者勇士也其或變心乎吾唯誅之耳秀吉諫曰使剛敵降我則大澤是其權輿也而今殺之則敵其不降矣唯請君宥之信長遂不聽至是秀吉歸家不挾



刀劍謂木澤曰今於尔之身有怪疑之事尔宜以我為質而速去木澤聞之及其夜而逃去

義昭自六條城移于二條城既而信長告暇而歸義昭請信長曰可留勇將一人信長許諾眾皆以為若非佐久間信盛則其必柴田勝家丹羽長秀也耶時信長留秀吉於二條城眾皆驚訝翌日秀吉到二条以上野中務少輔清信欲謁義昭清信難之秀吉頻請之於是義昭出見焉信長家臣往々有譏秀吉者信長終不從

同十一年四月信長攻近江築作城時秀吉前驅遂陷之語在信長譜中

元龜元年箕淺井長政朝倉義景勦力與信長構兵信長往攻之秀吉請先驅信長許之以義濃入竹中半兵衛尉重治牧村氏丸毛氏三人副之而使為前驅

天正元年信長擊滅淺井長政朝倉義景以長政之采地賜秀吉々々移居於小谷城

同二年春秀吉以小谷雪深有往來之勞故構城于分瀨改号長瀨而居焉

其餘秀吉從信長之命屠城略地者不可校計詳見于信長譜中

同五年十月信長賜播磨於秀吉東播磨服小寺富兵衛最屬志焉佐用氏上月氏等不服從故秀吉攻之下上月城使山中鹿助守之又攻佐用城小寺富兵衛為先登而進遂拔佐用城斬城主兄弟秀吉獻捷書於信長々々大悅官來衛剃髮如水圓清

同六年三月秀吉受信長之命再伐播州別所小三郎長治應之長治者播州東八郡之守護也時長治伯父別所山城守賀相謂長治曰秀吉橫行于此地歿必及我身乎長治諾之乃叛秀吉而入於三木城完城郭聚人民胥議曰事若速聞則洛兵可來攻若然則城郭猶未完拒守之謀猶未足於是偽撰一翰以送於京其意以為秀吉橫惡之甚故先守城而已非敢有反心也其後長治搆諸城使柿橋左衛進守志賀多相吉民部少輔守神吉梶原平三兵衛守高砂長井四郎左衛門守野口淡川彈正守淡河衣笠豐前守依波志谷而長治及其弟小八郎治定彦進友行山城守賀相其餘上原中村高橋服部後藤長谷川他澤木村三救上原魚住

古飯尾藤田等皆守三木城秀吉聞而曰吾以長治卿導不意長治有反心然亦何畏哉召別所孫右衛門重棟問曰汝亦反乎重棟流淚無對秀吉曰是唯山城守之所為也已汝遣書於長治以可察其事情重棟即馳使再三然長治依賀相之諍言而遂不從於是秀吉議攻三木城而軍士不多問小寺官末衛曰何處可居乎小寺曰書寫山可也何則僧坊惟多糧米不匱入彼寺逐僧徒待信長之援兵而已秀吉可之乃入書寫山而居焉寺僧窺賊秀吉令兵士曰寺僧有何咎乎其必慎蔑傷害之歷曰秀吉攻野口城拔之城主長井四郎左衛門降先是長治與毛利輝元同心至是輝元使吉川駿河守元春小早川左衛門佐隆景合率事多直家